

Joachim Schröder


**Auer dat || Eüangelium || Luce Capit. ij. Van der || Geborth vnde Beschnydinge ||
des Kindelins JESV CHRJsti|| Eine korte vnderrichtinge/ Jn dre || Punct edder
Stücke voruatet || Tho enem Nyen Jare.|| Dorch Joachimum Schröder || Prediger
tho Rostock.|| ... ||**

Rostock: Dietz, Ludwig, 1556

<http://purl.uni-rostock.de/rosdok/ppn1690294310>

Druck Freier  Zugang





a - B.

42^a. 13.

F. l. - 3263.



B. C. 1663

Alter dat

Evangelium

Luce Capit. ij. Van der
Geborth vnde Beschnydinge
des Kindelins JESU CHR Jsti/
Eine korte vnderrichinge / In dre
Punct edder Strücke voruater
Tho enem Nyen Jare.

Dorch Joachimum Schröder
Prediger tho Rostock.

i. Petri 2.

Weset gy rich na der vornuffrigen lutteren
Melck / alse de nye gebaren Kinderken/
vp dat gy dorch des silue thonemen/
So gy anders geschmecket
hebben dat de Here
fründlick ys.

Gedrucket tho Rostock by
Ludowich Dietz.

M. D. LVI.



Ein Gebedt van der Gebort vnd Beschnidinge Jesu Christi.



Greue Here **JESU CHRISTE** / Du Sønnes des ewigen
Vaders / Wy danken dy / dat du tho troste ons armen lüde /
ein Kindelin gebaren vnd beschneiden host wurden . Enff ons
dynen hilligen Geiste / dar dorch wy dy im rechten gelouen vth dynem
Worde erkennen vnd bekennen vor vnsen Heplant vnd Middeler /
Dat wy ock in dem süluen Geiste Noegebaren / vnde van den Sün-
den vnd bösen lästern in vnsen herten beschneiden werden / vnd dat du
mit donem leuen Vader / Samvt dem hilligen Geiste / ein
warhafftich Godt werdest gewisset van ewicheit /
tho ewicheit / **A M E N.**

Wynnen leuen

Söns Enoch / Adam /
Johanni / Chustiano / Jo-
achimo / Zachariae / vnd David
Schröder wünsche ick



Ades gnade
vnd frede van
Gade dem Vader /
dorch dat Kindelin
synen leuen Söne
JESUS CHRISTUS
vnsern enigen Heren vnd Heylandt
Amen. Myne leuen Söns / dewyle
nu dat leue Nye jar anfanger / vnd
allenthaluen ene gewanheit is / dat
men dat Nye jar vorgyfft / So wēt
ick ju nu thor tydt nicht bēters to
enem Nyen jare tho geuende / denn
desse korte vnderrichinge / auer dat
Euangelion / Van der heylsamen
A ij Ges

Esaię. 9. Gebort vnd Besnydinge des leuen
Kindelins Jesu Christi/ Vor vns
den Kindelin gebaren/ vnd vns ein
Sone geschencket. Vnd vormane
jw alse myne leuen kinder/ dat gy
desses Nyen jars willen gebriken/
vnd jwrotho nütte maken / Darto
Godt bydden / dath dyt Kindelin
JESUS dorch rechte erkentnisse
vnd gelouen in jw gebaren werde/
vnd gy dorch synen hilligen Geist/
in jwem herten/ van den Sünden/
beschneden/ vnd vornyet werden/
vp dat gy dorch en erlangen dat es
wige leuent. Wo ick vormercke dat
gy desses Nyen jars recht gbruken/
so werde ick jw dorch Gades gnas
de gerne mehr mit delen. Syth ges
stercket in dissem Kindelin JESU
vnd byddet vor jwren Vader.

To Rostock/ am dage der Gebort
desses Kindelins JESU
im Jare 1556.

J. L. V.

Joachimus Schröder.

Euangelion Luce am
Andern Capittel.



Et begaff
sich öuerst tho
der tydt/ dath
ein Gbot van
deme Keyser

Augusto vtginck/ dat de gan-
tze Werlt geschattet würde.
Vnd desse Schattinge was
de aller erste/ vñ geschach tho
der tydt/ do Kyrenios Cant-
pleger was in SYRIEN/
vnd yderman gyncck hen dat
he sich schatten lete / ein yder
jnn syne Stadt. Do makede
sich ock Joseph vp/ vth Gali-
lea/ vth der Stadt Nazareth/
in dat Jödesche Cant/ na der

21 in Stat

1.

Christus geba-
ren vnder dem
Keyser Augus-
to sones Ke-
gimentes. 42.
also is de Pro-
pheta Jacob
vornüller.
Genes: 49.

2.

Joseph vnde
Maria lehren
sich schatten to
emem Keins-
pel der leue vñ
des gehoorsams
dat se nemand
argern. Mat.
17. 22.

Stadt David / de dar heth
Bethlehem / darinnne dat he
van dem huse vñ geschlechte
David was / vpp dath he sick
schatten lete / mit Marien sy-
ner vortrüweden frouwen de
dar Schwanger was.

3.

Christus
gebarn to Bet
lehem / arm van
einer Junck-
frouwen.
Miche. 5.
Esa. 7.

Vnd also se dar siluest
weren / quam de tydt dat se tē-
len scholde / vnd se tēde eren
ersten **SOMER** vnde wandt
en in wyndel / vnd lede en in
eine Krübbe / wente se hadde
süß nein rhum in der Herber-
ge.

4.

Christus ge-
barn / werde
nich den Kō-
ken / sonder de
armē Herden
vorkündiget.

Vnd dar weren Herdes
in der siluen yegen / vp deme
felde by den hütten / de hüd-
den des nachtes ere Herde /
Vnd sü / de Engel des Heren
tradt tho en / vnd de klarheit
des

des Heren lüchtede vmmen se/
vnd se früchteden sich sēr. Vñ
de Engel sprack tho en/sürch/
tet juw nicht/ Seth/ ick vor/
kündige juw grote frouwde/
de allem volcke wedderuaren
werdt. Wente juw ys hūden
de Heylandt gebaren/ de dar
ys **CHRISTVS** de He-
re in der Stadt David/ Vnd
dath hebbet thome teken/ Gy
werden dat Kindt vynden in
wyndelgewunden/ vnd in ei-
ner Krübben liggende. Vnde
also balde/ was dar by deme
Engel de velheyt der hemel/
schen Herschare/ vnd laueden
Godt/ vnd sprekē/ Ehre sy
Gade in der hōge/ vnd frede
vp Erden/ vñ den Men-
schē ein Wolgefal.

A iij De

f.
Christus ge-
barn/ der welt
Heylandt.

Wort.
Tecken.

g.
Der Engel
hoff vor de
Wolckat Gae
des.
Psal. 103.
Heb. 11.

Der Hilligen
Christlyken
Wercken Laues
sanct,

De Hillige Christlyke Ker
ke/ mach hūden vnd alle
tydt/wol billick mit frow
den vth rechtem glouen des herten
singen/ Ein Kindelin so lauelick ys
vns gebaren hūden/ van einer jun
ckfrowen sūuerlick / tho troste vns
armen lūde/ Were vns dat Kinde
lin nicht gebaren/ so were wy altho
male vorlaren/ dat heyl is vnser al
le/ Eya sōre JESu Christ/ dat du
Mensche gbaren byst/ behōde vns
vor der Helle.

Flotich bee
schryuent der
Historien.

Luc. 4.

So sehe wy nu hyr in diesem
Euangel, wo flytich dat de hillige
Euangelista Lucas / de Historie
van der Geborth vnser leuen HE
ren vnde Neylandes Jesu Christi/
mit aller v̄mestendicheit beschriffte/
gelick wo he ock vōrher in Ersten
Capittel de Entfenginge Christi/
dorch werckinge des hilligē Geists
in der Junckfrouwen Marien mit
aller v̄mestendicheyt beschreuen
hefft.

Wors

Worinm ouerst he sodane
Historie so flytich beschreuen hefft / Sätze der
beschryuunge.
ys seer nödich vnd nütze vns armē
Christen tho wetende / vp dath wy
vns daruth trösten schölen / de
wyle vns alles thor Lere vorge
schreuen ys / Alse S. Paulus secht /
tho den Römern Cap. 15. So synt
ane twyuel de orsaken der flytigen
beschryuunge der Historien van der
Gebort Christi. Thom Ersten dat
men daruth erkenne vnd lere / wo
warhaffrich dat Got in syner gnes
digen thosage sy / welcker lange vör
her den Yederen geschen / vnd dar
na dorch de Propheten vorkündigt
was. Rom. 3. 9. 15. 2. Corint. 1. 2.

2.
Umme des schönen Artzykels
vnses H. Christlyken Gelouens Artikel des
Christlyken
Gelouens.
willen / de byz in desser Historien /
bestediget wert alse / Gebaren van
Marien der Junckfrouwen / alse
vörher de Prophete Esaias vör
kündiget hefft / dar he spreckt: Sü /
eine junckfrouwe wert Schwanger Esa. 7.

A v wert

Wise Salig
heit in Christo
alleine.
Act. 4.

werden in lyue / vnd einen Sone
thelen. Gene. 3. Vp dat wy vth
desser Historien erkenen leren / dat
werck vnser Selicheit / welcker als
lene steyth in dessem Wygebraren
Kindeline Jesu Christo / daruan de
Engel vp dem Velde in der nacht
Predigede / vnd de velheit der En-
gele darauer Godt laueden. So
wille wy hierna handeln / in.
Punct edder Stücke.

Van der Geborth Jesu Christi.

1.
De Geborth
Christi.

Ewige
Gebort.

Joh. 1.

At 1. Punct edder Stücke
ys / wen men fraget / wath
ys dath vor eine Geborth
Jesu Christi: Antwort / desse Ge-
bort daruan hyr de Euang: Lucas
schryfft / ys nicht de ewige Gōdely-
ke Geborth / alse he van ewicheyt
van Gade dem Vader gebaren ys /
Daruan yffe Godt will / wyder vp
dath Euangelion Johan. 1.
Sonder

Sonder disse Geborth Jesu
Christi/ys eine tydtlyke Geborth/
de dar ys in der tydt geschen / van
Gade also bestemmet / na der tho-
sage den Hedern geschen / vnd na
der Wissaginge dorch de Prophetē
vth dem hilligen Geiste heruor ges-
bracht / alse S. Petrus daruan be-
tūget.

tydtlyke
Gebort.

1. Pet. 1.
2. Pet. 1.

Also mōte wy in Christo
twyerleye Gebort erkennen leren/
gelyck alse he ock twyerleye natur
hefft / alse de Gōdlyke vnd mens-
schlyke / doch in einer persone tho-
samende vorsaget / de eine Gebort
ys ewich na der Godtheit. De an-
der ys tydtlick na der Menscheyt /
daruan gantz schone de H. Atha-
nysius in synem Symbolo wedder
Arium vnd de andern Ketter han-
delt vnd secht: Godt ys he vth des
Vaders natur / vor der Werlt ge-
baren. Menschē is he vth der An-
der natur inn de Werlt gebaren /
Ein vullenkamen Godt zc.

Twyerleye
Gebort vnd
Natur in Christo.

Athanasius.

Ge

Tydt van am-
begonnen der
Werldt betth
pp Christum.

Gelick also nu van ambegin-
ne der Werlt bett vpp de Geborth
JESU Christi gewesen synt / Veer
Dusent Jar / also synt nu van der
Geborth CHR JESSI bett tho
desser tydt / Dusent Vyffhundert
vnd Soß vnd Vöfftich . Also darth
itzundt de Werlt ganz thom ende
schleyt / wo denn vth dem schonen
Spröke Elie tho merckende ys / de
dar sprickt: Soß Dusent Jar ys de
Werlt / vnd darna wert se thobres-
ken / Twe Dusent / Wöste / Twe
Dusent / dat Gesette / Twe Dusent
de tydt Christi / Vnd so de tydt / ni-
cht ganz erfüllet wert / werdt ydt
feylen vimme vnser Sünde willen /
welkere groth synt / Darhen höret
dat Christus secht: Matthei 24.
Wo de dage nicht werden vorkör-
tet / so würde nein Mensche selich.
So is Christus in dem vöfft-
ten Dusendesten Jare warhafftich
Mensche gebaren / went e he ys der
Frowen Sät / dat is warhafftich
Men

Schon Sprö-
ke Elie.

Math. 24.

Christi Ge-
borth.
Gene. 3.
Esate 7.

Wensche van ener Frowē dat ys/
van einer Junckfrouwen gebaren/
Van beyderley gebort Jesu Christi Niche. 5.
Joh. 1. dat wort
ys flesch geworden / dat ys / Got ys
Wensche geworden / Nicht dat de
Gotheyt in de Wenscheit vorwan-
delt ys / sonder dat de Godtheit de
menscheit an sick hefft genamē / al-
se den de Spröke luth / Ick byn dat
ick was / vnd was nicht dat ick byn
nu byn ick beyderley.

Ein Schö-
Spöke.

2.
Dat Ander punct edder stü-
cke ys / Wenn men fraget / wath ys
desses nyegebarn Kindelins Jesu /
eghentlyke werck / vnd wor tho ys
dessa Geborth nütte? Antwort / He
wart nicht darümme Wensche ge-
baren / vnd quam nicht darümme
vp Erden / dat he wolde ein groth Egentlyke
Werck vnde
Nütte der Ge-
bort Christi.
weldich Here vnd Köninck vp Er-
den syn / wente wen men recht acht
darup wil hebben / so süht men wol
wo arm dat he gebaren wert / ja in
elende / darto hefft syn Woder nein
rhum

CHRISTUS
myn grot Rös-
sinck vp Erde

ruem in der herberge/sonder moth
hen in den Stall vor dat Yeh / dar
ys de Krübbe syne Wege. Darna
leuede he arm/vnd starff voracht
lick am Crütze twisschn twē Niss
deders/daruth me leren mach/ dat
syn Ryke nicht Werlick sy/ Jo. 18.

Sonder wat desses gebaren
Kindelins werck sy/ vnd wor syne
Gebort mitte tho sy/daruan moth
hyr nein Menschē/sonder ein En
gel Gades Predigen/nicht tho den
weldigen Hern/ noch tho den Ry
ken/Wysen vnd hilligen lüden vor
desser Werlt/ de ein grot ansehent
hebben/ Sonder tho den elenden/
armen/vngelerden Herden vp dem
Yelde/ Alse de mit h klarheit in der
dusteren nacht worden vmmē ges
dan/dath se sich erschrocken / Do
sprack de Engel tho en/ Früchtet
juw nicht/wente sēth ick vorkün
dige juw eine grote frowde/de als
lem volcke wedderuarn wert/wen
te juw ys hūden gebarn de Heylant
de

Des Engels
Predige van
nüticheit der
Gebort Christi.

Der Armen
Herden trost.

de dar ys Christus / de Here / in der
Stadt David.

Nyz deyt de Engel ene scho-
ne Predige des Euangelij der gan-
zen Werlt tho trost / van dem gelas-
ueden Sade Christo / dat de schols-
de de Sunde vorbydden / vnd den
Menschen in synem lydende vnde
steruende Sade vorsonen / van do-
de vnd Diiuel vorlösen / vnd eme
vorweruen de Ewige Salichyet /
Gene. 3. 22. 49. Also hett syn Na-
me **JESVS** / ein Salichmaker /
de syn volck / dat synt de gelöuigen
salich maker van eren Sunden / al-
so ock de Engel tho Joseph sprack /
Matthei am ersten.

Predige des
Euange. van
Christo.

JESVS.
Mat. i.

Dar he sprickt juw is huden
de Salichmaker gebarn / dat ys ser
tröstlick / dat he sprickt juw / dat ys
tho juwem nutte / vnd tho juwer
Selicheit / Also ock Esaias secht
Ein Kindelin ys vns / vns / vns /
secht he gebarn / De wert wunderly-
ker wyse gebarn / ja van einer junck
frouwen

Nutte vnd
Vödel der ge-
bort Christi

Esai. 9.

Christus ge-
ren im Estand
van ener junct
frouwen vnde
arm.

2. Cor. 8.

frouwen/reine ane Sünde/vp dat
he vnse vnreine gebort hilligede vñ
reinegede/van den Sunden/. In
deme Hilligen Ehestande wart he
gebaren/to laue dem Hilligen Es-
stande/vñ dat he sich mit vns geist-
lick vorêligede/ Ephe. am vofften.
Arm wart he gebaren / vns thom
troste/dat he vns ewich ryck durch
synen armoth makede. Itha der
Predige gyfft de Engel den Herdē
ein Teken/ wor by se dat Kindelin
erkennen / vnde wor se dat vynden
schölen/vnd wyset se hen na Beth-
lehem thoz Krübben / darinne
schölen se ydt vynden/lyggende/
in Wyndel gewunden.

3.
Wat von Ga-
de vorplichtet
synt to donde
vor syne wold-
dath.

psalm. 49.

Dat Driidde Punct edder
Stücke ys/wen men fraget / Wat
synt wy denn wedderümme Gade
vorplichtet tho donde vor sölcke
grote dürbar woldath / der Heyl-
samen Gebort: Antwort/ Därüör
begert edder vördert he nicht Süls-
uer edder Goldt/ noch Lammer/
Schap

Schape edder Ossen zc. Solckes
höret em süß alles tho/Psal. 49.

Sonder dat offer des laues/dar
mit will he vorehret syn/Psal. 49. Offer des laues.
Des schöle wy hyz ein schön Ex-
empel sehen / in den leuen hilligen
Engeln/Wente alse de eine Engel
de Predige vörher van dem Kinde
lin gedahn hedde / weren dar vort
by dem Engele de velheit der hem-
melschen herscharen / de laueden
Godt vnd spreken / Ehre sy Gade Lauesant der Engel.
in der högedede / vnd frede vp erden
vnd den wünsch ein wolgefall.

Hyz see wy wo de hilligē En-
gel den hilligē Gades denst anrich-
ten / in anderen Gebade beualen/
Welcker ock Christus vns geleret
hefft to byddende / Ghilliget werde Der Christen Gades denst.
dyn Name / Welcker Gades denst
ys de rechte Eere Gades de em al-
leine gebürt / Psal. 114. Nicht vns
Nere / nicht vns / sonder dynem na-
men giff de Eere. Esa. 42. zc. Ich
wil mine Er nenē andern geuē zc.

B in

In dessem Gades denste/denni
de Engel Gade don vñ en prysen/
Schöle wy desse stücke stitich merz
cken/vnd stedes betrachten.

1.
Ehre. Thom ersten dat se singen/ehz
sy Gade/darmit vorleggen se aller
menschen wercke vnd vordienst/vp
dat se sick allene in Godt berömen.
1. Cor. 1.

1. Cor. 1.
So het hyz ehre nicht anders/
denn de warhafftrige erkentnisse
Gades/ vnd de geloue / dat ys/ de
rechte thouorsicht / welckere nicht
her kumpt/ vth dem gsette / sonder
vth dem Euangelio Christi/ vnser
Heren.

2.
Frede. Tom andern Frede vp erden/
den Frede wünschen de Engel al
len gelöungen in Christum / de dar
ys de ewige Frede förste / dorch
welkeren wy Gade dem Vader vor
sönet synt / vnd schölen frede mit
Gade hebben / dat he vns ock wol
bewaren will / vor deme vnfredes
förssten in desser Werlt / alse den
Düuel

Joh. 14.

Esai 7.

Frede.

2.

Driuel/dat ys ein geyslick vnd ins
wendich frede. Joh. 14. Rom. 5.

Thom drittden/ Den Mens
schen ein wolgefoll/ Einen guden ³⁰ Wolgefoll.
willen edder wolgefoll an solcker
hilligen gebort den Menschen tho
hebbende/wunschen hys ock de les
uen Hillygen Engel / daruth men
sporen moege/welcke grote lust se to
Gades Eere / vnd tho des Mens
schen salicheit dragen. Daruan ock
vnse leue Here Jesus Christus bes
tuet Luce am 15. Capittel.

So werden nu / dorch dat h
vorbylde der hilligen Engele / alle
Dener Gottedlykes wordes vorna
net/dat se stitich scholen soeken ^{Exempel der Engel.} Gades
Eere/vnd der Menschen salis
cheyt in erem ampte. Dartho schol
len alle Menschen solcker Predige
na dem Exempel der Herden ges
horsam syn/vp dat Gott als
so gepryset werde/ vñ
selich werden/
Amen.

B ij

Am

Am Vrien Jars dage
Euangelion Luce Cap. 2.

{ Dat Kind
beschneiden
na dem Ge
fette.

{ Dat Kind
Jesus genō
met na dem
Euangelio.

Vnd do achte dage vinnē
weren/ dat dat Kindeken
beschneiden würde / Do
wart syn Name genōmet
Jesus/welcker genōmet
was van dem Engel / ehz
he in Moder lyue entfan
gen wart.

Gemeine bes
chninge der
Jōden.

Beschninge
Christi alse ei
nes Sünders

Elick wo thoudren gesecht
ys / van der beschnydinge
int gemeine den Jōden van
Gade dorch Moses gegeven / Also
ys nu int sonderge tho handelende
van der beschnydinge des Kindes
lins vnsers leuen Heren vnd Hey
landes Jesu Christi. Welckere hys
euen na dem gesette den Jōden ge
geuen/beschneiden wert/gerade eff
te he ein Sūnder were/vñ sīck dem
gesette

gesette vnderwerpet / dem he doch
nichtes ys vorpflichtet gewesen /
Dat Gesette konde en yo nergen
inne beschuldigen edder anlagen /
Wente anhe Sünde ys he dorch
werckinge des hillygen Geystes /
van einer Junckfrowen entfangen
vnd gebaren tho vnser ewigen Sa-
licheit / wo denn am dage syner hils-
lygen Geburt daruan gehandelt ys
worden / in des Engels Predige /
tho den herden vp dem Velde / in
der nacht gescheen / dar he sprack:

Christus was
vdm Gesette,

Früchtet iu nicht / Seth / Ich vor-
kündige iu grote srowde / de allem
volcke wedderwaren wert / Wente
iuw ys hūden de Neylant gebarn /
dede ys Christus de NERe in der
Stadt David zc.

Der Engel
predige to den
Herden.

Lu. 20.

Alse nu de N. Euangeliste mit
grottem styte / ock mit aller vmmes-
stendicheit / de Geburt des Kindes
IESU vns thor lere vnd tho
troste beschreuen hefft / Also be-
schriffte he hys ock (wowol mit for-

Beschreuinge
der beschneidin-
ge.

B ij ten

ten worden) syne beschnydinge /
wente so luth de Text / Vñ do acht
te dage vmmē weren zc.

Zuerstot vnde
Prael auer der
Kinder dōpe.

Zuer sölckem Sacramente der
beschnydinge hebben se nein groth
geprenge gholden / alse mit schmitz
ckinge der kleder vnd wyndel dōke
des Kindes / mit Kindelberen vnde
Gaste baden / in houart / prale vnd
auerfloth / wo by vnser kinder dōpe
geschüt / dar mehr vpon gedacht wert
alse vpon de dōpe der wedder gebort
vnd vornyginge des H. Geistes zc.

Dat wille wy nu to desser tydt
varen latehn / vnd alleine dar van
handelen / worümme dyt Kindelin
beschneiden wert / gelick alse idt her
na gedofft is worden. So wille wy
hyr nu Die Punct edder Stücke
handelen /

Van der beschni-
dinge des Kindelins Jesu.

1.
Wat dath bes
schneiden Kind
delin vor eine
Personē is.

At Erste P. edder Stücke
ys / Wenn menn fraget /
wat ys dat Kindelin / dath
hyr

hyr beschneiden wert vor eine Per-
sone: Antwort / Dat ys nicht allein
ein schlichte Menschē alse andere
Menschen / de na dem beuel Gads
vnder dem gsette beschneiden wer-
den / Alse dar weren erslick / Abra-
ham / Isaac / Jacob / Joseph / vnd
darna alle Jöden de vnder dem ge-
sette weren / welcker ock alle Sün-
der weren / ja Menschen in sünden
entfangen vnd gebarn / vnd mosten
de beschnydinge by pene vñ straffe
des dodes entfangen / vnd also dar
dorch int volck Gades / vmmē des
gelaueden vnd tho künsttigen Sa-
des Abrahe / genamen werden / vñ
der beschnydinge alse eines Segels
der gerechticheit des gelouens ge-
bruken / wo S. Paulus dar van
secht Roma. 4.

De Jöden
mosten sich by
pene des do-
des beschnydē
laten.

Also worden se ock dar dorch
erer sündlyken vnd vordoruenen
natur / vnd wedderümme daryegē
der gnaden Gades vormanet / Ge-
lik wo wy Christen dorch vnse Sa-

Der Jöden
vormanigen
dorch de bes-
chnydinge.

B iij cra

cramente der hilligen dōpe / vnser
Sūnde vnd der gnaden Gades in
Christo Jesu bewyset / vormanet
werden.

De Ander
Persone in der
Godtheit.

Joh. 8.

Godt.

Querst desse Persone alse dyt
Kindelin Jesus / dat hyz gelick alse
ein Sūnder beschneiden werdt / ys
mehr denn ein aNensche / ya ydt ys
Godt vnd aNensche in ener Perso-
ne / vnd is de ander Persone in dem
Gōdtlyken wesende / welkere mehr
denn Abraham vñ alle aNenschen
ys / ya mehr denn alle Engele / de
dar was / vnd ehz Abraham yewer-
le gebaren wart.

Godt is he / dat is de warhaff-
tige Gades Sōne / in ewicheit / van
em hergebaren / Psalm. 2. De Here
sprack tho my / du byst myn Sōne /
hūden hebbe ick dy getēlet / Also
hefft en Godt de Hemmelsche Va-
der apenbaret in der dōpe / an der
Jōrdane / vnd in syner vorclaringe
vp dem Berge Tabor. Mat. 3. 17.
Daruan luth ock de Arttykel vnser
D.

N. Christlyken gelouen/ Ick gelo^e
ue in Iesum Christum synen enigē
Sōne vnser Heren zc.

ANsiche ys he/ dath ys/ der ^{Mensche.}
Frowen Sadt/ edder Dauids Sō-
ne/ vor vns ein ANsiche in der tyt
geworden/ ane Sūnde/ Also ys he/
wo gesecht is/ Godt vnd ANsiche
in einer Persone Johan. 1. Dat
Wordt wart fleisch/ dat ys/ Godt
warth ANsiche vns tho gude.
Esa. 9. Ein Kindelin zc.

Desse Gades Sōne vordemō^e ^{Christi Gades}
digede sich so gantz sere/ dath he ock ^{Sōns demot.}
in syner demodt / alle Engele vnd
ANsichen auertrydt / dath he sich
hynna dem gesette alse ein arm sūn-
der beschnyden leth/ wol desse per-
sone recht leret erkennen / de hefft
dat ewige lēuent. Joh. 17.

SAT Ander punct edder stücke ^{2.}
ys/ wenn menn fraget/ Wor^e ^{Worümme}
ümme wert denn dyt Kindelin be^e ^{Christus be-}
schneiden: Vnd wor tho schal syne ^{schneiden wert}

B v bes

beschnydinge nütze syn / Dewyle
ydt doch nicht gesündiget hefft /
vnd dartho warhafftich Godt ys?
Antwort / wowol he dem Gesezte
nicht vorplichtet was / vnd van em
nicht also ein sündler konde beschül-
diger werden. He konde synen he-
melschen Vader / beyde ane de bes-
chnydinge vnd ane de döpe wol
behagen / Dennoch leth he sich vth
groter leue na dem Gesezte gelick
den sündigen Menschen beschny-
den vnd schimerte lyden / Vnd ys
darümme geschen / vnd schal ock si-
ne beschnydinge dar tho gebruket
werden.

Christus deme
Gesezte nicht
pliche / leth sich
na deme Ge-
setze vth leue
beschnyden.

Thom Ersten / dath he mit sy-
ner beschnydinge bewysen wolde /
dath he ein warhafftich natürlick
Mensch were / vnd nicht ein ge-
spenst edder bedroch / also Fantasie
gelick wo etlyke Ketter vorgeuen /
vnd lereden / welcher ein höuet was
Manicheus / ock Valentinus mit
synen Valentinianern / de dar vor-
geuen

1.

Christus ein
recht natürlick
Mensch.

geuen vnd lereden / Christus hedde
syn lyff van Hemmel gebracht vñ
nicht van Marien genamen.

2.

Thom Anderen / dat h he mit
syner beschnydinge bewysen wolde
wo dat he ein warhafftiger Jøde
vth dem Jödeschen volcke van ge-
schlechte vnd stammen Abrahe vñ
Dauids gebaren were / welckeren
Gode dat Geseffe vnd de thosage
van synem leuen Söne gedan hedde
de / desses volckes mitgeselle wolde
he syn / des ys he ock ein Den er ge-
worden / alse S. Paulus betüiget
Roma. 15. So wert he ock genö-
met ein Söne Dauids vnd Abrahams.

Christus ein
warhafftigch i-
de gebaren.

Mat. 1.

Thom Driidden / dat he mit h
syner beschnydinge bewysen wolde
dat dat olde Geseffe van Gade we-
re ingesetter vnd in syner art / vnd
tho syner tydt gude were / wedder
Nanicheum vnd synen Jünger
Faustum / welck vörgeuen vnd le-
reden / solck ein Geseffe were nicht
van

3.

Dat Olde ge-
sette van Gade
de ingesetter.

4. van Gade / sonder van Försten
des bösen ingesetter.

Christus ein
Exempel der
leue,

Thom Yeerden / dath he mit
syner beschnydinge geuen wolde /
ein Exempel der leue / dat wij nicht
den dingen de nicht wedder de Con
scientien synt / vnserm negesten in
der leue denen / vnd de schwacken /
nicht argern. Also leth S. Paulus
synen Timotheum beschnyden.
Actorum 15.

5. Thom Höfften / dat he mit
syner beschnydinge / wolde nicht
allene dat Gesette van der beschny
dinge vnd der anderen Jödeschen
Ceremonien / tho einer tydt inges
settet / aff dohn / sonder dat he vns
ock alle tho gude dat Gesette der y.
Gebade wolde vorfüllen / vnd vns
van floke edder vormaledyginge
des Gesettes vorlösen / vnd darves
gen den Segen vnd de ewige wols
fart geuen / Daruan lyß Galatern
3. 4. Rom. 10. Mat. 5.

Christus ein
vorfüller des
gesettes.

Dat

Alt Driidde pūct edder stücke
is/wenn menn fraget/wat is
denn dat/dat dyt Kindelin in der
beschnydinge Jesus genōmet wert?
vnd wat richtet dyt Kindelin vor
gudts vch: Antwort / Daruan ys
rede thom dele vōrhen van syner
Geborth gesecht / Myr ys de gantze
grunt vnser Salicheyt ynne geles
gen/dat wy solckes recht erkennen
leren/dat ys vnse gerechticheyt vñ
ewige leuent Esa. 13. Joh. 17.

Dath dyt Kindelin in der bes
schnydinge Jesus genōmet wert/
schal nemandt gedenccken / dath he
dho erst vch der beschnydinge den
Namen scholde hebben auergekas
men/sonder dat he rede thoudr also
nōmet ys worden/van dem Engel
do he scholde entfangen vnd geba
ren werden Luce j. Sprach de Eng
gel tho Marien der Junckfrowen/
Sū/ du werst Schwanger werde
vnd einen Sōne telen/des Namen
schaltu Jesus heren / Marthei. j.
Sprack

3.

Wozümme
dat dat Kinde
lin Jesus ge
nōmet wert.

Dyt Kindelin
gnōmet Jesus
vor der besny
dinge.

sprack de Engel to Joseph/ Joseph
du sone David/ fruchte dy nicht zē
Se wert einen Sone telen/ des nas
men schaltu Jesus heten/ wente he
wert syn volck salich makē van erē
Sünden/ Sölck einen namen heffe
ein Got de Vader gegeuen auer als
le namen / wo S. Paulus secht/
Philip. am andern Capittel.

Egentlike woer
te im Namen
JESU.
Christus nein
lifflick/ sonder
geestlick Hey
landt.

Desse name Jesus bringet des
ses Kindelins egentlike werck mit/
dat yde here so vele alse ein helper/
ein Heylandt/ ein Salichmaker/
Duerst nicht in lyfflyken vnd tydt
lyken nöden/ ock nicht van lyfflyken
vnd sychtlyken vrenden allene/ ge
lick wo Josua/ Syrach/ Joseder/
Joseph/ de suß ock Jesus genömet
worden/ Duerst desse name Jesus/
hört allene vnsem Heren Christo/
dede hett Jesus/ dat is/ ein Heilant
vnd Salichmaker/ dede alleine van
der Sünde/ Dode vnd Düuel vor
löset/ vnd gyfft de Salicheyt vnd
dat leuent/ ya dat se schölen Gades
Kins


Kinder werden de an synen namen
gelouen. Joh. i. Act. 4. Cap.

Also schöle wy vth desses leuen
Kindelins Namen leren / dar in der
sakē vnser gerechticheit vñ selicheit Nemādt wert
vth sonen wers
ken rechtuers
dich vñ selichs
nene werck edder egen vordenst hel
pen kōnen / den allene vth barmher
ticheit Gades in Jesu Christo wer
de wy gerechtuerdiget vñ eruen des
ewigen leuends. In dessem namen
möten sich alle kne bögen / vñ en al
le tungen bekennen / dar möten sich
de Düuele vōz entfetten / Welkeres
namen de menschen doch so schēt
lick mißbrucken / tho crem egen vor
derue vud vordōmenisse / alse mit
thōuerye / mit besweringe des Dü
uels / mit flōkende / mit swerende zē Mißbruck des
namens Jesus

Dessem Namen Jesus schryuen wol
uele mit gülden Bockstauen vp papyr / bö
ke / dōke vnd wende zē ouerst nicht int her
te / Dat he ouerst in aller herten durch den
hillygen Geist / mit dem blode desses Kin
delins geschreuen vnd mit dem glouen ge
uaret werde / Dar gene Godt syne
gnade tho / A M E N.

Faint, illegible text, likely bleed-through from the reverse side of the page. The text is arranged in several lines and is mostly obscured by the paper's texture and color.

G. Lorenz
Buchbinder
in ROSTOCK



Christus deme
Gesette nicht
pliche/leth sich
na deme Ges
sette vth leue
beschnyden.

1.
Christus ein
recht natürlick
Mensche.

be
yd
vr
A
ni
ni
di
mi
sch
be
gr
de
de
da
ne
we

ne
da
A
spe
gel
vnd
A
syn

mm 0 10 20 30 40 50 60 70 80 90 100 110 120 130 140 150
Inch 0 1 2 3 4 5 6 7 8 9 10
C1 B1 A1 C2 B2 A2 B5 A5 A20 18 17 16 11
Patch Reference numbers on UTT
10 09 03 02 01 C7 B7 A7
UB Rostock 05.15.00
4.5 5.0 5.6 6.3

nütte syn / Dewyle
gesündiger hefft /
urhafftrich Godt ys?
wol he dem Gesette
tet was/vnd van em
inder konde beschüt
De konde synen hema
r / beyde ane de bes
d ane de döpe wol
noch leth he sich vth
dem Gesette gelick
Menschen beschny
erte lyden / Vnd ys
en/vnd schal ock su
te dar tho gebruket

sten/dath he mit sya
ge bewysen wolde/
urhafftrich natürlick
/ vnd nicht ein ges
roch/alse Fantasie
Ketter vörgenen/
elker ein höuet was
Valentinus mich
anern / de dar vör
geuen